

## AUGLÝSING

**frá forsætisráðuneytinu.**

Davíð Oddsson forsætisráðherra er á förum til útlanda. Í fjarveru hans gegnir Friðrik Sophusson fjármálaráðherra störfum forsætisráðherra.

*Forsætisráðuneytinu, 10. júní 1997.*

F. h. r.

**Kristján Andri Stefánsson.**

## AUGLÝSING

**um meðferð forsetavalds í fjarveru forseta Íslands.**

Forseti Íslands, herra Ólafur Ragnar Grímsson, fór til útlanda í dag.

Í fjarveru hans fara forsætisráðherra, forseti Alþingis og forseti Hæstaréttar með vald forseta Íslands, samkvæmt 8. gr. stjórnarskrárinnar.

*Forsætisráðuneytinu, 13. júní 1997.*

**Friðrik Sophusson.**

---

*Ólafur Davíðsson.*

## AUGLÝSING

**um staðfestingu forseta Íslands á reglugerð um breytingar á reglugerð  
um Stjórnarráð Íslands, sbr. auglýsingu um staðfestingu hennar  
nr. 96 31. desember 1969, með síðari breytingum.**

Forseti Íslands hefur hinn 6. júní 1997 samkvæmt tillögu forsætisráðherra staðfest eftirfarandi reglugerð um breytingar á reglugerð um Stjórnarráð Íslands, sbr. auglýsingu um staðfestingu hennar nr. 96 31. desember 1969, með síðari breytingum:

1. gr.

3. tölul. A-liðar 4. gr. reglugerðarinnar falli brott og breytist töluröð síðari töluliða sama stafliðar til samræmis við það.

2. gr.

Í stað orðsins „fyrirtækjaskráning“ í 6. tölul. 6. gr. komi: skráningu fyrirtækja, hlutafélaga, einkahlutafélaga og samvinnufélaga.

## 3. gr.

Eftirtalðar breytingar verða á 13. gr., sbr. 3. gr. auglýsingar um staðfestingu á reglugerð um breytingu á reglugerð þessari nr. 77/1990:

- a. Orðin „að því er varðar mengunarvarnir og yfirstjórn Siglingamálastofnunar ríkisins að því er varðar varnir gegn mengun sjávar“ í 2. tölul. i.f. falli brott.
- b. Á eftir orðunum „Skipulags- og byggingarmál,“ í 3. tölul. komi: brunavarnir.
- c. Á eftir orðinu „skipulagsstjórn“ í 3. tölul. komi: Brunamálastofnun ríkisins.
- d. Á eftir 4. tölul. komi nýr tölul., sem orðist svo:
  5. Varnir gegn ofanflóðum, sem eigi ber undir annað ráðuneyti lögum samkvæmt.
- e. Töluliðir 5 til og með 7 breytast í töluliði 6 til og með 8.

## 4. gr.

Í stað orðanna „Hlutafélög, samvinnufélög“ í 7. tölul. 15. gr., sbr. 2. gr. reglugerðar um breytingu á reglugerð þessari nr. 64/1987 og 1. gr. reglugerðar um breytingu á reglugerð þessari nr. 5/1990, komi: Hlutafélög, einkahlutafélög, samvinnufélög, önnur en skráningu, svo.

## 5. gr.

Reglugerð þessi sem sett er samkvæmt 8. gr. laga um Stjórnarráð Íslands, nr. 73/1969, öðlast gildi sem hér segir:

Stafliðir a, d og e í 3. gr. við birtingu.

2. og 4. gr. hinn 1. september 1997.

1. gr. og stafliðir b og c í 3. gr. hinn 1. janúar 1998.

*Forsætisráðuneytinu, 6. júní 1997.*

**Davíð Oddsson.**

Ólafur Davíðsson.

## AUGLÝSING

**um að forseti Íslands sé kominn heim og tekinn við stjórnarstörfum.**

Forseti Íslands, herra Ólafur Ragnar Grímsson, er kominn úr för sinni til útlanda og hefur á ný tekið við stjórnarstörfum.

*Forsætisráðuneytinu, 16. júní 1997.*

**Davíð Oddsson.**

Ólafur Davíðsson.